

## BLOQUES

**Ruta:** Administrar > Construcción da páxina > Bloques

### Bloques

Lista

Engadir bloque

opcións de b7 | opcións de abac | opcións de abac\_dark | opcións de aberdeen | opcións de aberdeen-liquid | opcións de acta | opcións de amadou | opcións de andreas02 | opcións de andreas09 | opcións de antique\_modern | opcións de aquasoft | opcións de arcateria | opcións de art4\_green | opcións de artistsC01 | opcións de atck | opcións de aurora | opcións de B7 Brown | opcións de B7 Green | opcións de barlow | opcións de barron | opcións de barroness | opcións de blommor01 | opcións de bluebreeze | opcións de bluebreeze-fixed

[mais axuda...]

Bloque	Rexión	Peso	Operacións
<b>Encabezado</b>			
Inicio sesión 2	encabezado	-10	configurar borrar
<b>Barra lateral esquerda</b>			
Navegación	barra lateral esquerda	-10	configurar
O Centro	barra lateral esquerda	-9	configurar
Profesorado	barra lateral esquerda	-6	configurar
Alumnado	barra lateral esquerda	0	configurar
Pais/Nais	barra lateral esquerda	2	configurar
Cron	barra lateral esquerda	3	configurar
<b>Barra lateral dereita</b>			
Formulario de busca	barra lateral dereita	-10	configurar
Scroll	barra lateral dereita	-10	configurar borrar
Calendario de eventos	barra lateral dereita	-9	configurar
Actividades	barra lateral dereita	0	configurar
Departamentos	barra lateral dereita	2	configurar
Biblioteca	barra lateral dereita	4	configurar
Revista escolar	barra lateral dereita	5	configurar
Suxerencias	barra lateral dereita	10	configurar
<b>Desactivado</b>			
Artigos recentes no blog	<ningún>	0	configurar
Comentarios recentes	<ningún>	0	configurar
Comentarios recentes	<ningún>	0	configurar
Deportes	<ningún>	0	configurar
Distribuir	<ningún>	0	configurar

Os bloques son as caixas de contido que podemos colocar en diferentes rexións da nosa páxina web, por exemplo nas zonas laterais, e conteñen información de moi diferentes tipos: menús, imaxes, texto, enlaces, vídeos, etc...

Tamén é posible configurar o comportamento dos bloques para indicar, por exemplo, a que páxinas e a que usuarios lles deben aparecer ou non.

### Tipos de bloques

1. **Xerados manualmente:** son os creados polos administradores para aloxar elementos fixos na páxina (unha selección de enlaces, por exemplo). Na versión actual do Drupal do Proxecto é posible crear o contido do [bloque](#) utilizando o editor de texto enriquecido. Para lograr unha mellor aparencia do [bloque](#) pódese tamén incluír unha imaxe pequena que non exceda de 175 px de ancho).
2. **Xerados automaticamente pola aplicación:** estes son os xerados pola aplicación directamente a raíz doutras accións, como por exemplo a creación de Menús visto no punto anterior, ou pola activación de certos [módulos](#).

### Lista

Ao acceder á Lista de Bloques, o primeiro con que nos atopamos é con enlaces aos temas / plantillas instalados (estean ou non activos). Isto é así porque **as diferentes configuracións posibles dos Bloques están ligadas a cada tema / [plantilla](#) en particular**. Isto significa que un mesmo [bloque](#), por exemplo o [menú](#) de Deportes, pode estar activo para un tema en concreto pero non para outros. Por esta razón ás veces pasa que ao cambiar o aspecto visual da nosa páxina, é dicir, ao cambiar de tema ou [plantilla](#), "pérdense" ou "desaparecen" algúns menús. O que pasa é que eses menús non estaban activos para o tema elixido.


De todos os temas dispoñibles, a lista refírese automaticamente ao que temos seleccionado por defecto (no noso exemplo o tema B7) que é, como se ve na ilustración o primeiro da lista. Veremos máis información sobre os temas no apartado seguinte pero xa advertimos que antes de cambiar un tema por outro hai que comprobar que bloques están activados para o tema novo, e que sempre teñen que estar activados os bloques "Inicio de sesión 2" e "[Navegación](#)". Despois da lista de temas aparecen as opcións de configuración dos bloques (sempre para o tema elixido)

Atopamos catro columnas: Bloques, Rexión, Peso e Operacións.

- **Bloques:** nesta columna lístanse os bloques dispoñibles.
- **Rexión:** indícanos en que rexión da nosa páxina está dispoñible actualmente o [Bloque](#). Estas rexións tamén dependen da [plantilla](#) que teñamos escollido, pero fundamentalmente son:
  - barra lateral esquerda
  - barra lateral dereita
  - contido
  - encabezado
  - pé
- **Peso:** sérvenos para poder posicionar verticalmente os bloques. Canto menor peso máis arriba se situará con respecto aos bloques situados na mesma rexión.
- **Operacións:** podemos acceder á configuración particular de cada [bloque](#) e/ou eliminalos no caso de ser un [bloque](#) creado directamente (por exemplo, para aloxar algún contido en HTML, un vídeo embebido...)

### Activar **Bloque** xerado desde Menús

Como dixemos no apartado anterior, cando se crea un novo **Menú** automaticamente se crea tamén o seu **bloque** correspondente. Por defecto non aparece en ningunha Rexión, polo que agora só debemos decidir onde o situamos. Para isto na columna de Rexión facemos **clik** sobre o despregable e seleccionamos algunha das rexións dispoñibles, por exemplo, na barra lateral dereita.



Deste xeito conseguiremos que na nosa páxina xa apareza o **Bloque** que contén un **Menú** ao que temos asociada unha **Categoría**, sendo os **elementos do menú** os termos desa **Categoría** (lembrems que o seu nome está desactivado para que non se repita xunto co nome do **Menú**).

